

BIMB ISYTIHAR DIVIDEN INTERIM 10.40 SEN SESAHAM UNTUK TK2022

KUALA LUMPUR, Isnin, [5 Disember 2022]: Bank Islam Malaysia Berhad (BIMB atau Bank) hari ini mengisyiharkan dividen interim satu peringkat bagi tahun kewangan berakhir 31 Disember 2022 (TK2022) sebanyak 10.40 sen sesaham biasa, berjumlah kira-kira RM224.15 juta.

Selain itu, Lembaga Pengarah BIMB juga telah menetapkan bahawa pelan pelaburan semula dividen (DRP) akan digunakan untuk keseluruhan Dividen Interim, memberikan pemegang saham BIMB pilihan untuk melabur semula Dividen ke dalam saham biasa baharu BIMB.

Pada 20 Januari 2022, Bank telah membayar dividen interim sebanyak 10.93 sen sesaham biasa, berjumlah RM226.9 juta bagi tahun kewangan sebelumnya berakhir 31 Disember 2021. Daripada jumlah dividen tersebut, kira-kira 12% atau RM 27.6 juta telah diagihkan sebagai dividen tunai manakala baki 88%, berjumlah RM199.3 juta, dilaburkan semula untuk melanggan 79,396,600 saham biasa baharu pada RM2.51 setiap satu melalui DRP. Saham biasa baharu tersebut disenaraikan pada 21 Januari 2022.

Ketua Pegawai Eksekutif Kumpulan Bank Islam, Mohd Muazzam Mohamed berkata, "Kami ingin mengucapkan terima kasih kepada para pelabur atas sokongan mereka kepada Bank sejak penyenaraian kami pada 8 Oktober 2021. Kami kekal komited untuk merealisasikan rancangan strategik perniagaan lima tahun untuk menjadi peneraju dalam penyelesaian kewangan lengkap Syariah-ESG dengan kepimpinan dalam perbankan digital dan kewangan sosial."

Tinjauan Kumpulan

Dengan sebahagian besar daripada perniagaan dipacu segmen runcit, BIMB terus memperkuuhkan kekuatan terasnya dengan mengekalkan model pembiayaan pembayaran bercagar, pada masa sama membentuk jalinan kerjasama dengan organisasi-organisasi sasar. Dengan menjalankan perniagaan yang bertumpukan pelanggan, BIMB berusaha untuk menyediakan penyelesaian kewangan merentasi pelbagai segmen menerusi saluran edaran Perbankan Runcit dan Perbankan Kekayaan Premium. Bagi mempertingkatkan lagi proses operasi perniagaan, BIMB merancang untuk mengoptimumkan pendigitalan dalam menyampaikan perkhidmatan yang mudah dan khusus kepada pelanggan demi meningkatkan pengalaman perbankan mereka.

“Dalam merealisasikan matlamat Kumpulan untuk sentiasa bersedia demi masa hadapan, kami telah memulakan fasa kedua Pelan Tindakan IT empat tahun untuk meningkatkan cara kerja BIMB. Langkah tersebut membolehkan kami mengukuhkan infrastruktur IT dengan berkesan sambil memberi tumpuan kepada peningkatan pengalaman pelanggan dan menyampaikan objektif perniagaan,” kata Mohd Muazzam.

Sebagai sebahagian daripada langkah kemampanan dan komitmen ESG, BIMB sedang mengembangkan portfolio pembiayaan hijau dan meluaskan pendedahannya kepada segmen mesra alam baharu seperti kecekapan tenaga, pemeteran tenaga bersih, automasi pejabat dan pengurusan sisa.

“Sehingga kini, kami telah meluluskan kira-kira RM2.9 bilion dalam pembiayaan hijau untuk projek-projek tenaga boleh diperbaharui, pengurusan sisa mampar, pengangkutan awam dan pembuatan hijau. Bank Islam telah menetapkan sasaran RM4 bilion untuk meningkatkan portfolio pembiayaan hijaunya menjelang tahun 2025. Untuk mencapai matlamat ini, BIMB giat memperkuuhkan segmen pembiayaan iklim dengan membangunkan produk-produk bersasar termasuk pembiayaan terhadap usaha peralihan rendah karbon PKS dan pembiayaan berkaitan ESG untuk syarikat-syarikat korporat yang mengalihkan operasi perniagaannya ke arah rendah karbon,” tambah Muazzam.

Mengenai Bank Islam Malaysia Berhad (No. Pendaftaran Syarikat [198301002944(98127-X)])

Bank Islam adalah institusi perbankan Islam pertama di Malaysia yang disenaraikan di Papan Utama, Bursa Malaysia Berhad. Ditubuhkan pada bulan Julai 1983 sebagai institusi perbankan Islam pertama di Malaysia, Bank Islam mempunyai 135 cawangan dan lebih daripada 900 terminal layan diri di seluruh negara. Sebagai institusi perbankan Islam lengkap dan tulen, Bank Islam menyediakan penyelesaian perbankan dan kewangan yang mematuhi undang-undang dan prinsip Syariah dengan ketat serta komited terhadap hasrat kemakmuran lestari dan nilai-nilai ESG. Anak syarikat utama Kumpulan Bank Islam adalah perintis dalam pelbagai perkhidmatan kewangan Islam, termasuk pelaburan dan pembrokeran saham, iaitu BIMB Investment Management Berhad dan BIMB Securities Sendirian Berhad. Untuk maklumat lebih lanjut mengenai produk dan perkhidmatan kumpulan Bank Islam, layari www.bankislam.com.

Untuk maklumat lanjut, sila e-mel ke Hubungan Media Kumpulan Bank Islam di:
MediaRelationsEditorial@bankislam.com.my